

明
詩
紀
事

明詩紀事卷十五

貴陽陳田輯

果饒

朱同一首

同字大同休甯人學士升子洪武中舉明經爲徽州教授復以人才舉召爲吏部員外郎擢禮部侍郎坐

事死有覆瓿集七卷

四庫總目覆瓿集有范曄跋曄同洪武中以人才舉爲東宮官尋進禮部侍郎而同時范準作雲漢歸隱圖跋則云山吏部員外郎升禮部侍郎準字平仲當受業於同之父升與同交至契所記宜得其實又明史但載同坐事死而不著其詳蔣一葵堯山堂外紀乃云同以詞翰受知宮人多乞書便面一日御溝有浮尸帝疑之遂賜死其說頗荒唐未可信也集凡詩三卷多元朱之作爽朗有格文四卷議論純粹不愧儒

者之言

田按黃瑜雙槐歲抄稱大同父升得六壬之奧生子
同升課之曰此子後必遭婦人之禍天兵過嶽高皇
帝素知升名召問遂預帷幄密議臨行問所願欲升
踞而泣曰臣子同後得全軀而死臣在地下亦蒙恩
不淺矣後同仕至禮部侍郎善詩翰大被寵遇禁中
瑤壁多其題詠或令題詩賜宮人忽御溝中有流屍
上疑之將殺同因念允升之請令其自經王課精妙
亦至於此與堯山堂外紀所言同一不經今檢覆韻
集有遺誣得罪賦詩見志云四十趨朝五十過典章
事業歷研磨九重日月瞻依久一代文章制作多豈
有黃金來暮夜祇愁白髮老風波歸魂不逐東流水
直上長江訴汨羅蓋以贖罪見誅也大同兼長書畫
詩格高老亦明初一作家

題畫

老艸參天勢欲動
古樹錯立交條挺
清溪雨過生碧雲
隔岸嵐光入檐重
小亭臨水清且漣
怪石翠溼苔蘚妍
倚欄讀書兩忘言
豈應未了黃庭篇

散步至楓林

信步尋春不知遠小逕委蛇繞平巘雨餘翠滑石磴危青梅
如豆低垂枝屋上青山壓簷重風裏幽禽時一弄主人不歸
柴門關山大認人自迎送花落烏啼白日閑依微機杼鳴林
間徘徊不覺歸來晚淡黃落日啣空山

登子陵釣臺有感

清曉扁舟維岸陰百年幾渡來登臨遊人仰扳石磴險飛臺
俯瞰滄波深客星帝座一時事江水雲山千古心哲人去矣
不可見擊劍空作秋龍吟

歸故宅

曲曲清溪來往頻故園又得見先春筍穿舍北竹繞屋梅倚

月言系圖卷一
二
墻頭花笑人泉石幾家供客眼江山萬里暗兵塵由來軒冕
多翻覆澗水松風未是貧

上江山中卽事

山上青山樓上樓結樓高下倚林邱通幽一逕苔蘚滑壓檐
四山空翠流松梢滴露作疎雨嵐氣入簷生早秋我來暫下
陳蕃榻一洗生平今古愁

至楓林登東山樓有感

樓隱喬林白日長桂花不斷四時香山蒸嵐氣作朝雨竹引
水風生晚涼身在豈應愁計拙興來肯復動詩狂東山一爲
蒼生出贏得人間話幾場

上巳日苦雨寄汪彥暉

三月三日苦泥湫春遊無計令人愁雲低暮色近垂地風捲
濤聲遙撼樓青天白日定何所急雷轟電方未休最憐桃李
花開處雨橫風狂不自由

題琴趣軒卷

淨几鎭煙晝靜小齋花氣春酣莫作商聲秋調鶯啼三月江
南

泛舟嚴陵

雨聲微曉收不住船頭水高三尺強只須多買威平酒中流
擊楫歌滄浪

楊妃上馬圖

錦鞵銀鞍映綺羅開元猶是舊山河海棠春暖嬌無力寫向

生綃恨轉多

墨菊寄方山程德明

方山處士別我久每挹高風晚節香賴此鷺谿三尺雪寄君
日日作重陽

竹枝詞 二首

郎心恰似江上蓬昨日南風今北風妾心恰似七竇塔南高
峯對北高峯

茜紅裙子縷金紗多在湖船少在家黃衣年少不相識白日
敲門來索茶

鄭潛 五首

潛字彥昭歙人元季爲泉州路總管洪武初除寶應

初召拜禮部侍郎以親老辭歸再徵爲溧陽教諭有

樵海稿

田按邢子愿云前代拓帖墨後微以駱駝油少澤之其光可鑒而無卵清醪粘氣文仲送殷孝章之咸陽詩云故國已消龍虎氣斷碑猶打駱駝膏入詩頗新

花遊曲

館娃宮裏春迷濛雜花芳菲嬌亞風油壁香車度花裏笑解
珠纓被春水水邊小艇忽到門鱗鱗綠濺金鵝裙尤雲帶雨
踏歌步春風喚愁花下墓流光去去不復來縹酒且進芙蓉
杯鸕珠串落碧瑛梳鳳槽聲催紅玉板宴遊未終山日西柔
纖捧硯索新題風流文采瑤林使肯數玉人裴十四宮中分
散五雲箋更賜一曲曉山篇

六視齋華記至正戊子三月十日會稽楊維禎同貞
居張伯雨諸人遊石湖有伯者瓊英與坐各為花遊
曲一章詞情美麗實一時之盛莫氏修石湖志乃以
為穢而去之文太史微仲深為惋惜特作蠅頭細書
錄成卷仍為補圖留作山中故實余謂志不乘成於一
人之意修改不常如此現璋之詞托於志不若托於
太史之寶圖名翰為不朽余愛其詞一錄之
田按竹嫩所錄者楊維禎阿瑛郭翼袁華馬磨陸
仁秦約于立並徵仲竹嬾追和之作今僅綴鐵崖原
唱及袁文李三詩於文仲之後鐵崖詩云三月十日
春潦滿江花雨溼東風美人盈盈煙雨裏唱徹湖
煙與湖水平虹女忽當門午光穿漏海霞裙美人
浚空躡飛步步上頭小真基華陽老仙海上來五
湖吐納掌中杯寶山枯禪開著梳木鯨吼罷催花板
老仙醉筆石闌西一片花飛落粉題迷紫宮中花報
使花信明朝二十四老仙更試蜀麻箋細寫春江花
月篇子英詩云煙雲撲霧搖空漾遊絲弱絮柔風
木蘭載春石湖裏手弄瓊英羽春水纖簫仙招溪
門鸞旌小队青霓裙幾來便須一飛動微步冶情漫憶鴛
鴦墓踏青堤鼓能幾來便須一飛動微步冶情漫憶鴛
鴦水枕鬱袍儒徽紫牙板雲旗縹緲青鳥西口啣紅
巾絨舊題瓊林宴中探春使轍子遠巡賜緋四醉攜

漁莊欸歌

翠袖寫銀箋不數公子花遊篇微仲詩云石湖雨歇
山空濛美人卻扇歌迴風歌聲宛轉菱花裏鴛鴦飛
來天拍水當時仙伯醉雲門酒痕翻汗石棉裙遺蹤
無復芳塵步湖上空餘昔人墓昔人既去今人來千
載風流付一杯雪藕銀絲薦冰椀蛺蝶穿花逐歌板
夕陽剛在畫橋西一段春光屬品題傷心不見儲花
使只有黃鸝號再四無限春愁誰與箋仙人會唱紫
霞篇竹嬾詩云笑倚吳娃唱紫濛十尋錦纜石湖風
蘭棹雪腕煙花裏屬玉飛雙照水水晶宮殿花壓
門纖句慙盛樓金裙山腰巧作迴鸞步眞珠雨溼埋
香墓凝眸御扇花片來輕紅縹緲浮春杯玻璃百坡
青瑤梳纓笄廚開矜玉板紅縹緲浮春杯玻璃百坡
撥尋陽題尋花怕遣蜂作使狼藉脂愁數四絨愁
悉付研光箋勞勞絮絮新春篇

公子漁莊秋氣高灣灣野水曲塘坳隔林月出車輪大照見

花間翳翠巢

金菊粉葉秋水濱恰如生色畫屏新蕩舟直過紅橋去小隊

遊魚不避人

桂彥良 二首

彥良名德稱以字行慈溪人元進士爲包山書院山
長改平江路教授洪武初徵授太子正字尋爲晉府
右傅改長史追贈編修諡敬裕有清節清溪春和詠
言山西杜笏老拙和陶中都紀行等集

送田仲茂宰西川

天門傳制拜新除西入成都萬里餘江上好風吹去棹
邑中故老候來車巴園五月收丹橘丙穴三春饌白魚
卻憶文翁遺化在何因公暇說詩書

靜志居詩話長史以穗望重韻語非其所長然如巴
園五月收丹橘丙穴三春饌白魚亦小有風致吳江

史明古爲作傳稱孝陵嘗咏蝌蚪云池上看蝌蚪分明古篆文命長史續之應聲曰惟因藏水底秦火不能焚可稱敏絕

送顧謹中少尹赴荊州

曾讀皇明混一篇煥如霞錦濯晴川長才合置鸞坡上秀句
新傳鳳榻前斗邑爲丞資薄祿扁舟奉母念高年艱難自少
今成立未必哦松讓昔賢

田按謹中皇明混一頌頗有時名解大紳云臣紆近奉內廷獲觀所御書籍見其題曰顧祿詩集二編此詩秀句新傳鳳榻前當卽指此事也

范準二首

準字平仲休甯人洪武中以明經舉爲休甯訓導擢
吳堡知縣遷工部主事有齋璽悉白何陋軒西遊諸

藥

無腳雞

有序

山行見田家伏雌無腳鼓翼而行詢之晨牝也戒其
家烹之賦此紀異

羣雞唱罷山月落一雞戢冠卻無腳脰脰膊膊轉雌聲乃與
雄雞相對鳴有翎飛不高無足胡能行徒爲牝晨禍家庭羽
毛之孽何由生氣淫迺非祥禎德輝之鳥翔千仞安肯下
食共爾相喧爭

題小畫留別韓文忠二升

夜來夢到吳塘路月冷霜寒白雁啼今日題詩看畫處隔江
山色是淮西

朱樸一首

樸字子範休甯人官六安州判洪武三年捕賊遇害

有白沙行槩二卷

宿羊舌城

舒夢皆侯國春秋用甲兵晚炊投野店日落弔荒城古渡漁
燈滅陰房鬼火明愁來不成寐欹枕聽雞鳴

方時舉 三首

時舉初名槐又名樸以字行莆田人洪武初官興化

訓導有方壺集

田按閩中有壺山文會初會九人朱貴誠方樸朱德
善邱伯安蔡景誠陳本初楊元吉劉晟陳觀續會者
十三人陳惟鼎李苾郭完陳必大吳元善方炯鄭德
孚黃性初黃安陳熙方坦葉源中釋清源月必一會

賦詩彈琴清談雅歌以爲樂余始見福建通志有方
樓等壺山文會集選檢鄭王臣清風清集而其
始詳凡與會者共二十二入錢牧齋列朝詩集稱郭
完元末隱于壺山與方時舉等十二人結社王臣
其失考以閩人考閩事此固其專長耳壺山會中詩
多雅者以較十才子詩不多讓也時舉有莆陽人物
志福建通志既錄方樓莆陽人物志二卷此後又有
方時舉莆陽人物志二卷歧爲二人誤矣

普覺堂

普覺有何好秋來事事幽風檐落柏子榕葉覆溪舟隱几山
當戶翻經月到樓誰爲姑射牧茅屋隔滄洲

和陳廷中避地南泉

思君時復上寒岩十月林巒尙翠嵐溪竹栽成綠玉杖石橋
拄過白雲菴客懷最與山僧似時事難從野叟談卻憶當年
杜陵老卜居正近浣花潭

會日懷雪巢石溪二君卧病

年來自覺親朋少今日相逢白髮多
風雨樓遲一樽酒令人長憶病維摩

陳觀一首

觀字莒峯莆田人洪武初以薦官陝西右參政有輟

耕吟稿

鄭王臣蘭陝詩話莒峯應召至京朝謁太祖顧問曰
彼長而哲者何人莒峯出對試以王猛捫虱論稱旨
授陝西右參政在官以清介聞朱竹垞云洪永間有
四陳觀獨不及莒峯偶失考耳莒峯少預壺山文會
詩有唐人風致

與方履道會陳若紫雲蘭若是日方用晦釋清源諸人
有事不赴並懷之

佳侶往何所遠渡溪之滸齊攀仙巖雲共宿瓊樓雨素琴奏
梅花清歌發白粧獨懷山下人無由共芳醕

劉晟 一首

晟字性存莆田人洪武中以薦官南陽知縣

田按性存入壺山文會詩最傑出惜不多見

眞率會

炎靈運元化衣冠集芳辰
幡幡斯達尊濟濟凡七人
琴瑟既在御豆登亦復陳
旨酒式燕樂太羹薄肥珍
登歌間行葦稱觴壽千春
德將諒無醉旣醉不失眞
陶然宇宙間蟪蛄焉足論
光風泛蘭蕙好鳥鳴及晨
江漢日云遠道義日益親
覽圖百載下安得風再瀉
願言繼遺響遙睇洛水濱

賀守約二首

守約字禮齋永新人明初薦授永新教諭改光山有
禮齋詩集

永新學署有感

一曲鏡湖在衣冠六百年家貧無負郭世守有殘篇竹下紉
蘭佩雲根漱菊泉相期歲寒在梅石共清堅

遊禾山龍門溪

秋山蒼翠接空冥七十一峯如畫屏雁塔遺基藤蔓紫龍門
題墨薜花青幾從石上看棋局仍向雲間刷茯苓鶴隴幸容
孤迹住天書何事又巖扃

龍玉泉一首

玉泉字雲壑永新人明初舉賢良方正官知縣

題南臺

秋松落層陰秋水蕩寒碧一曲紫瑤琴空山暮天寂

文魯麟一首

魯麟字東魯永新人元至正丁亥鄉舉洪武初舉賢良官永新學正有荀峯集

七馬圖爲貢叔英題

吾聞渥洼水接銀潢碧產此八駿無人識當時周勃欣得之
要令四海皆轍迹就中一匹真奇絕從駕不憂黃金轡一朝
逸去收不得飄忽雲霄攢四蹄其餘七匹皆神駿一一具有
真龍性五馬渡江一馬隨龍草飲泉筋骨勁一馬振鬣當風

前目光夾鏡尻雕圓攬身正面如人立奚奴敏捷那能鞭玉
堂學士蕭夫子筆端獵獵霜風起金鑾草制有餘閒寫此曉
騰世無比中郎愛馬仍愛圖揭來一見爲嗟吁致之座右重
珍惜芸窗把玩時卷舒我今作詩爲題品不見驂騑空見影
安得若此毛骨千萬羣埽空沙漠清龍庭

杜鰲一首

隰字宗原松江人洪武初官贊禮郎使緬還擢禮科
給事中有雙清集十卷

王昶青浦詩傳明初南緬不庭宗原奉詔撫之緬人
馳金帛而求題詠者車滿郵亭歸而達諸朝太祖爲
製御序

懷古

吾愛陶彭澤蕭然遺世姿高情託雲鳥苦節寄東籬餓驅時
出戶酌酒卽成詩五男俱用晦三徑獨逶迤門種先生柳卧
與羲皇期斯人悵已矣清風良在茲

任原一首

原字本立休甯人明初以武功厯官至顯武將軍雄
峯翼管軍萬戶有集

田按明初休甯文士以武功顯者有任本立原俞子
茂榮子茂鎮禾川有威惠其平符溪凱旋馬上作云
翠壺欵述民連野策馬歸來雪滿身雲陽李祁和之
且爲之序云禾川有符溪者旣服復叛公破其寨縛
其渠魁誅黨惡數十人平民縱還舍藉羊雞大悉
令認辨給還民大欣悅公旣還府賓佐咸集獨留儒
學士十數人列燭張宴坐中口占馬上所得詩衆賓
咸和乃緝成卷僕從衆賓之後和之曰溪橋石路不
生塵幕下初聞號令新士卒銜枚衝夜雪將軍橫槊
賦陽春已擒渠惡從梟首未死么麼許乞身德意已

字威力著愧無椽筆紀蒼珉子茂文采不及本立因
錄本立詩附見其事於此

送舒從事還南海

老逢離別倍傷情一騎臨秋復遠行
客路驚心孤雁影家林入夢斷猿聲
珠崖落日天低海銅柱雲寒雨過城
翻憶舊遊多感慨獨嗟書劍誤儒生

王善慶

一首

善慶字士積歙人有秋齋野趣

過迴流寺

雲埋殿閣迴流寺春水衝崖復到山
僧衲挂枝庭樹老禪床指石洞雲閒
久無山鬼吹燈火時有淵龍護法壇
我亦長歌來徙倚滿襟清思隔塵寰

吳舜舉 一首

舜舉字士源歙人洪武初以耆儒舉授掾州教授有

石溪吟藁

寄涪安徐大年

歙南山去一百里秋盡春來信不聞昔日登樓同聽雨今年

幽谷飽看雲管甯豈是遼東客伯樂曾空冀北羣安得俗塵

長謝卻挾書林下共朝暉

黃思永 一首

思永莆田人洪武中官福安教諭

老圃書堂

瓜地簷廬僻柴門闌碧流波光搖席冷山色入簾幽琴撫聽

黃鵠樽開近白鷗芳鄰有如此宜爾賦歸休

蔡景 一首

景字元昶江陰人徙居松江

贈略道權上人

客邊相見雪盈頭蓬底談詩紀昔遊
百里雲山黃葉寺十年鷗鷺白蘋洲
雨花風暝香生座梵唄風清月滿樓
昨夜南湖秋水漲浩歌又上木蘭舟

柯欽 一首

欽字叔敬莆田人洪武中官興化訓導有采薇集

蘭陔詩話欽自號深隱老人詩源出晚唐其七言如
空城落木羣鴉噪斜日西風瘦馬行亦高唱也

覽岡仲旅吟藁有感

故里歸來夢寐空客懷偏在苦吟中三年枕畔梧桐雨一夜
江頭杜宇風日暮荒阡松樹綠春深廢圃海棠紅朱甍碧瓦
翰時世粉蠅差差過屋東

伍衡一首

衡字時敏莆田人洪武中官增城知縣

蘭陰詩話前輩稱時敏歌行麗綽奇崛有溫李遺意
近體充瞻英美惜其集散佚不傳

和連汝信

習靜幽齋絕外思景清情曠兩相宜風薰花氣晴侵夢雨漱
溪聲寒入詩魚近碧闌人狎見鹿眠香芷客來疑時時懸榻
需君至此興旁人未必知

王子魯一首

子魯自號笙鶴道人高唐人洪武中官河間教授

馬灣曉月

古河一曲環爵隄天光滉漾浮玻瓈漁翁待旦掉船去白鷗
飛過黃蘆西

黃孟良一首

孟良名德貴以字行莆田人洪武中徵辟授松陽主
簿擢知縣有老圃居士詩稿二卷

九鯉湖

人已昇仙鯉化龍伊誰湖上構仙宮石遺丹鼎潺湲裏煙鎖
樓臺縹緲中青鳥去來猶夜月碧桃開落自春風此行非爲
邯鄲夢擬向橋頭問石公

蘭陔詩話孟良洪武三年被徵以不識字辭仇家上其九經湖詩械繫至京太祖覽詩稱善卽日除官亦云厚幸後竟坐事謫戍

余師孔 二首

師孔字愚軒莆田人洪武中官興化訓導有文安集二卷

山居偶興

結屋深山中
山深四時樂
幽居不記年
只看花開落
扶筇來石室
空谷絕人行
不辨入山路
惟聞啼鳥聲

徐松 一首

松字喬年上虞人洪武中福建按察僉事

擬孟浩然永嘉上浦館逢張八子容

逢君懷往事對酒話多時
荒館天涯夢殘燈醉後詩
沙城臨海國人語雜蠻夷
共歎浮蹤遠相看但莫悲

彭友信 一首

友信字以實攸縣人洪武初貢生召對稱旨授北平
布政使有方伯集

宋丞相文文山三月三日獄中遺墨

崖山雲寒海舟覆六載孤臣老幽獄東風唳鵑三月三五陵
望斷春蕪綠長帆昔挂秦淮船手持一柱擎南天開關嶺海
血灑檣回首家國如飛煙六宮粉黛黃沙裏漢火無光吹不
起全軀肯學褚淵生嚼舌甘爲杲卿死落花上巳風雨時展
卷如對麟鳳姿再拜酌公金屈卮有口不讀蘭亭詩

王瑄 二首

日言系國卷一

三

瑄字汝器長洲人立中子洪武中吏部主事

田按洪武時有兩王瑄一字汝器長洲人一字宗器
長山人洪武實錄六年正月甲寅以舉大張雅王輝
李端張淵為翰林院編修蕭韶為祕書監直長繼又
以王瑄張鳳任敬馬亮陳敏俱為編修是時天下舉
人至京太祖欲造就其才擇其年少俊異者皆擢編
修賜冠帶衣服為之師濂集有王宗器字辭云王生瑄
大夫朱濂等為之師濂集有王宗器字辭云王生瑄
字宗器其先太原人今家濟南之長山洪武五年以
易經舉進士山東名列第三既上南宮未試皇上召
見便殿親命題賦詩成稱旨擢史館編修入文華
堂肄業詔翰林老臣為師近又使瑄攝御史廉察河
南歸奏對稱旨錢收齋列朝詩集錄汝器詩誤援宗
器事敘入仕履云洪武壬子以會試舉子簡授編修
肄業文華堂後為吏部主事蓋不知山東別有一王
瑄牽合為一踏駁可哂又黃瑜雙槐歲抄敘文華堂
肄業事云水東日記以王瑄為姑蘇人蓋誤則誤又
不自牧齋始矣宗器有醉學士歌余已錄附張雅詩

春日過溪山訪良夫先生

伊余蹇世用野性遂成疾欲追故人蹤忘此山水癖茲晨屬
休暢曳杖窮閭厯愒息嘉樹林逍遙美泉石洞庭縱矚覽鄧
尉屢攀陟平湖汎晴波青苔印行迹靈霄曠清溪煙霞閉幽
寂愛茲風日佳樂與禽鳥得宛彼二三友獲此竟晨夕興盡
復言旋賦詩寫良覲

近過山中耕漁軒得相款曲登覽之餘兼辱庖廚之擾
言笑欣沃深慰夙昔歸坐茅屋唯有馳戀而已輒賦

五言奉寄

佳會良不易清遊踐前期留連閔信宿登眺自無時山川有
餘覽風物良足娛感子情誼篤具饌揚清卮高軒過疏雨水

木澹晴輝列坐盡羣彥一笑一解頤心目共開豁神思亦忘
疲歸來青山下相望如渴饑宴坐白雲裏與世終永辭

徐裕 一首

裕字用貴上虞人洪武中高羅巡檢

武陵泛舟

移棹武陵路桃花澗水分人家春鳥樹樵唱暮山雲沙渚飛
鷗鳥溪田過鹿羣到來機事息不道世紛紛

徐禮 一首

禮字用和上虞人洪武中孟縣主簿遷縣丞

渡荆門望楚

亂峰前路迴旅況正紛紛落日荆門望青天楚國分荒城迷

郢樹孤棹入蠻雲誰念天涯客西風見雁羣

陳山一首

山字伯高上虞人洪武中瓊山知縣

竹枝詞

桃葉扇寫竹枝歌搖曳清江照翠娥
夾岸芙蓉秋水闊薄暮雲生愁思多

明詩紀事卷十六

貴陽陳田輯

明鑑

藍仁十六首

仁字靜之崇安人明初徙濠尋放還有藍山集六卷

杭世駿格陰詩話二藍集閩人無知者何氏閩書藍

仁有藍山集藍智有藍潤集竹垞舊輯入詩綜以爲

十子之先閩中詩派寶其昆友倡之集本合刻吳明

經焯嘗於吳門買得藍山集是洪武時刊有蔣易張

渠二序與竹垞言脗合而藍潤集之亡久矣

輯晉安風雅時二藍關焉則此集之亡久矣

陸心源儀顧堂題跋藍山詩集六卷明藍仁撰前有
正統二年丁巳秋八月朔嘉議大夫禮部左侍郎陳
瑛序洪武庚辰歲花辰日武夷文學西江水倪伯
文序雲松樵者張渠序橘山真逸蔣易序計詩六百
八十餘首藍潤詩集六卷明藍智撰題曰友生程嗣
祖奇遠編集前有至正壬寅冬戊子進士戶部尙書

西夏張昞序張渠題蔣易序計詩五百餘首案兩集
明正統以後無重刻本故流傳甚少乾隆中開四
庫館亦無人進呈館臣從永樂大典抄出著於錄藍
山集得詩五百餘首藍澗集得詩三百五十首此從
明刻原本抄出藍澗集多較大典本約增三分之一
集多得詩一百五十餘首較大典本約增三分之一
近闕中郭兼秋主事重刻二集不言所據為何本前
無原序核其詩與提要著錄之數相符當即大典傳
抄本也藍澗集誤收藍澗詩五十餘首藍澗集誤收
藍山詩三十餘首永樂大典修諸臣草率之故
之誤乃永樂大典纂修諸臣草率之故
田按竹垞稱藍澗詩五十餘首者中如秋山懷友擬貧
初雕本刊正而陸氏儀顧堂題跋所謂郭氏新刻藍
山集誤收藍澗詩五十餘首者中如秋山懷友擬貧
士宿田家望武夷山宿橋山田家懷蔣先生暮宿秋
家正月十四日西山感興風雨不已簡我同志暮秋
懷鄭居貞西山暮歸歸山雲峯秋霽圖高彥敬
畫楚江春曉圖贈魏士達諸詩竹垞詩綜均錄作藍
山詩正與郭氏本一一相合大抵郭氏所得之本又與竹
庫本與竹垞所見之本相同陸氏本據所見紛如聚
坵所謂選家誤有參錯之本相同惟陸氏本藍山集多
訟今亦不能定為誰是誰非也

有倪文伯序藍澗集多有張昶序又二集詩各多至百五十餘首此亦足廣異聞耳藍山骨格老蒼藍澗音節高亮二人才力各不相下余錄明人之兄弟稱詩者當以二藍爲開先矣

余復嬰近以方壺所寫大王峯轉惠暇日展玩殊有幽趣因題長句

方壺畫山世有名生紙一幅塗縱橫孤峯倚天旭日上危石
拔地秋風生壯遊曾來拾瑤草夢裏武夷青未了紫陽五曲
石門荒金老三間茅屋小興來放筆起層巒萬仞嵯峨咫尺
間龍洞雲煙含宿雨鶴壇星月滿空山武林道士余三一來
惕松根講周易十年不出鬢垂絲九轉將成眼如漆新圖千
里寄神交東南一柱青天高願授神方服石髓共聽仙樂鳴
雲璈閒窗持贈深有意念我衰年住污世便欲呼兒挽鹿車

從此相隨入蒼翠

寄張雲松

關塞風塵暗山林出處難生涯謀釣艇世事笑儒冠有酒判
長醉無衣度苦寒南山有奇士扣角夜漫漫

題吳德暘山水小影

雲山分遠近水石助清幽老眼看名畫深懷似故邱草迷行
鶴徑藤引釣魚舟賣藥忘機者無人識百休

病中

卧病秋將盡艱難日又增夜深方著枕戶遠更留燈鄰畏呻
吟近僮來扣接能有身應有患空寂未如僧

代毛生答

浮世容身狹韶光過眼非瓦盆盛社酒榭葉製秋衣禮節休
拘束漁樵乞放歸前林逐麋鹿未與素心違

九日西莊懷弟

衰年無力遠登臨短杖扶持叩竹扃雨過林間雙澗碧雲消
天際一峯青黃花寂寞憎詩瘦白髮淒涼畏酒醒心把茱萸
思骨肉雁聲孤起夕陽汀

雪中偶成

背郭茅堂早閉門天寒獨戀緼袍溫琴書散漫無賓客稼穡
艱難有子孫竹杖稍能扶病力梅花強欲惱吟魂蹇驢踏雪
如堪借行盡溪南數里村

春日憶章屯故居

衰年長愧北山靈
春日題詩憶翠屏
茅屋也從人借住
柴門不爲客來扃
林陰嵐溼藏書架
爐冷苔侵煮茗瓶
惆悵閒窗巾幌在
孤墳宿草已青青

題西山菴

空山寂寞守巖扃
獨鶴樓樓傍草亭
曉鏡又催霜雪白
秋衣不換芰荷青
仙人住處多栽藥
野老來時或負苓
同氣雕殘衰朽在
百年光景似晨星

送貢祕書入京

滄海樓船衛百靈
祕書領旨赴朝廷
近開東觀延卿月
舊入南閩識使星
一代文章推大手
百年禮樂抱遺經
蓬萊不許凡人到
空想藜光夜夜青

次雲松長山道中

人煙蕭索石田荒茅屋低斜倚
磎岡雪裏送租衙虎過雨中
乏食學蠶殭三丁編戶衣裝急
百歛沿村土木忙懶共老農
談世事自搔短髮對斜陽

賦網巾

白頭難掩雪霜蹤纖手穿成絡
索同映帶暮年微履鑠遮藏
秋色久羣髮牽絲祇訝蛛臨戶
覽鏡翻愁鶴在籠便與黃花
相見好不愁破帽落西風

靜志居詩話網巾之制相傳明孝陵徵行見之於神
樂觀遂取其式頒行天下冠禮加此以爲成人三百
年未之改然題詠者寡獨藍靜之有三詩予錄其一
焉其二詩謝劉蘭室見惠而作一云故人於我最相
親分惠青絲作網巾鏡裏形容加束縛眼中綱目細
條陳少述白髮安垂老轉襖烏紗障俗塵更與簪冠

藜杖稱世間還有葛天民一云故人念我鬢毛疏結
網裁巾寄做盧白雪盈簪收已盡烏紗著紙畫難如
門臨寒水頻看鏡篋掩秋蓬又用梳昨日客來應怪
問衰年欲變少年餘
宗室恆仁月山詩話朱竹垞云網巾之制相傳明孝
陵微行見之云云獨藍靜之有詩余觀謝宗可咏物
詩有賦網巾云篩影細分雲縷滑棋文斜界雪絲乾
蓋元時已有之矣

寄明之弟

秋風長作客南望一沾巾茅屋生春草歸來相對貧

古木蒼藤圖

風雲氣質雪霜蹤獨立空山慘淡中慚愧藤蘿爭附託年年
春色換青紅

和雲松雪中二首

夜雪茅簷積漸高傍林時聽折危梢南山石上雙松樹莫更

動搖仙鶴巢

亂來雙鬢俱成雪對雪疑窺鏡裏顏明日春風消釋盡祇留
鬢影對青山

藍智三十八首

智字明之仁弟洪武中用薦授廣西按察僉事有藍

澗集六卷

四庫總目藍智詩清新婉約足以肩隨其兄五言結構

高雅脩然塵外雖雄快不足而雋逸有餘七言頗壯

劉亮亦無失唐人矩矱

筆精武夷藍明之名智永樂中辟為廣西僉憲與兄

布衣靜之齊名詩詞俊逸雅有唐風嘗見其書銅雀

臺瓦詩於建陽友人處可泣鬼神詩云曹瞞勝志吞

劉社銅雀臺高瞰中夏徒知扼腕有卧龍豈料垂涎

已司馬萬里河山尚出師九原魂魄歸何時清秋風

雨滿陵樹落日笙歌空總惟翠蛾紅袖恩情絕廢塚

荒臺孤兔穴空餘片瓦落人間千載奸雄磨未滅

二

明三十家詩選明之五律老成鎔鍊卓然長城殆駁

駁欲度哲兄前矣

田按監澗集四庫錄本僅三百餘首余所得監氏

刻本多百餘首前有張昶序與陸氏儀顧堂本同昶

序云崇安藍明之長於詩古彷彿魏晉律似盛唐長

句豪健五言溫雅昶作序在至正王寅當元時己名

重如此明之集中有贈張尙書四十韻即贈昶也藍

澗佳什琳瑯滿目詩綜所錄寥寥特備錄之以補其

缺杭堇浦謂二藍集閩人無知者殊不然曹石倉明

興詩選錄二藍詩至二卷蓋會見全集者明之爲廣

西僉憲在洪武十年徐氏筆精謂永樂中辟爲僉憲

誤矣

述懷

煩憂不自整出門欲何之遙登西北邱悵望滄海涯興隨積
水極心與浮雲馳喬木無留葉流光去如遺昔感倉庚鳴今
聆蟋蟀悲諒非金石軀齒髮日夜衰斗酒呼良朋爲樂當及
時聖賢不得志空言竟無施徒有千載名寂寞何所知

飲酒

鳳凰翔千仞鷦鷯巢一枝達士志常高鄙夫懷其卑富貴雖
所願貧賤亦所宜聖賢有中道千載誰與期采采東籬菊
畦南山芝我酒日已熟我杯時一持醉來望白雲朗詠貧士
詩

廢井

靈源洩陰岑古甃涵清樾波濤逗海眼疏鑿當山骨陰凝龍
蛇氣冷浸鼃鼃窟餘潤滋稻梁清涼颯毛髮豈知陵谷移泉
源有壅遏非無涓滴流竟爲泥沙汨莓苔空青青蠹蝨日相
蛄轆轤卧枯桐迴首腸內熱况當朱鳥中炎風毆旱魃我圃
就焦枯嘉蔬幾生活憑軒望雲雨神物竟寥濶安得神禹功

於焉引溟渤當令顛涯人自此無饑渴

題黃道士仙巖茅屋圖

仙巖正窈窕茅屋何蕭爽道人日暮歸瑤草春來長雲氣自
舒卷鳥鳴時下上渺渺武夷君千峯入遐想

廬山

何年李謫仙讀書石床下雲巢雙青松秋色正瀟灑時登五
老峯獨酌壺中春舉杯問淵明誰是羲皇人鸞鳳望赤霄蛟
龍卧空谷蒼崖漱飛泉欬唾成珠玉顛倒雲錦袍酣歌漫揮
毫文光一萬丈更比廬山高一落五湖上秋風怨華髮千古
不歸來長庚夜如月

暮經零陵望愚溪懷柳司馬

湘川入零陵百里盡崖石野曠生夕陰山空澹秋色緬懷柳
河東微宦曾遠謫才名一代雄文藻萬人傑朝游愚溪水暮
返愚溪宅當時嘯歌地千古仰遺迹草木含清芬山川曜潛
德鼓泄下中流江清月華白

忻城公館

清暉抱迴洲密竹何蕭灑雖有公館名頗類村居者茅屋三
四家寂寞無車馬縣官坐堂上獠人立堂下風俗自強獷衣
冠眞鄙野俾之知逆順責在任民社慎勿示姑息善政資陶
冶疊嶂不易青臨風獨悲咤

舟中望長洲田家

積流會澄川浮沙互長洲上有嘉樹林下有良田疇漁樵自

成村桑麻翳榛邱犬吠林巷深鳥鳴田舍幽落日負耒歸涼
颺蕩輕舟斯人亦何者樂哉以優游羈懷迫道路悵望徒淹
留

送閩縣史邱子清同三山

我昔南遊訪蓬島越王城郭生芳草釣龍臺下晚潮空道山
亭上秋風早朱樓綺戶歌太平邊塵不驚河水清祇將六籍
論經濟何用萬里求功名豈信流光不相待風景未殊人事
改羞將藥裹對青山獨向雲林望滄海浮邱之子黃鶴姿羽
人曾作滄海期醉持瑤草渡弱水笑接白雲來武夷昨朝別
我三山去卻憶當年舊遊處世事悠悠西浦波愁心慙慙洪
塘樹人生行樂在青春出門四顧多煙塵少年裘馬誇意氣

自古文章難致身山川蕭瑟年華晚季子貂裘雪霜滿扁舟
何處夢相思日落江空雁聲遠

相逢行贈徐剛中之建甯兼柬黃彥美總帥

去年逢君紫霞洲今日逢君滄海頭逢君處處好顏色歎我
年年長作客被褐昂藏七尺軀蟠胸磊落五車書姑蘇臺北
曾走馬越王城南還釣魚看花夢想揚州遠采藥歸來杏林
晚堂上慈親鶴髮長堦前幼女鵲衣短見君雖貧不解愁結
交盡是豪俠流侯門咫尺恥干謁客路尋常歌遠遊我亦扁
舟滯江浦握手相看總羈旅千年龍劍蝕塵泥三月鶯花老
風雨明日洪塘又送君離亭詩思正紛紛黃壚有酒莫漫醉
待余同擬梅仙雲

丹崖歌崖在大花灘之上西去零陵五十里望之若雲

錦然

斷崖千尺雲錦懸芙蓉薜荔搖空煙珊瑚鐵網相鉤連赤豹
下搏蒼龍淵旁有石穴疑可穿洞門深鎖朱陵天我欲徑入
求神仙丹光出林夜赫然紅葉如雨墮我前青鳥飛去何時
還我方持節西南偏石壁有路無由緣赤松黃石書可傳桃
花一笑三千年

老君洞

混沌始鑿開玉融瑤臺隱映青芙蓉下有洞穴如崆峒玉樓
十二高玲瓏丹崖紫氣浮空濛何年玄元降其中伐毛洗髓
遊太空遺形歲久金石同元精變化不可窮顰眉皓首成老

翁玉局儼坐神霄宮獅子前導後從幡幢飄飄羽蓋重海
月照見香爐峰寶劍倒挂蒼精龍石梁懸瀑聲淙淙我來飛
雪當嚴冬瑤草凝碧桃花紅花開一笑雙玉童授以錦書石
髓封道言五千方擊蒙窮兮冥兮道之宗無爲自然成汝功
谷神立北翁以通壽命天地相始終吁嗟小臣等蟻蠊上帝
有敕按疲癯萬里馳驅雙鬢蓬人間歲月苦匆匆投簪未暇
巢雲松白鶴飛去天南東長歌林谷來清風

春日憶延平舊遊寄嚴漢材

疎雨溪南寺青春劍外天維舟思別日覽鏡惜流年羈旅今
何適微官亦可憐乾坤一杯酒出處共茫然

藍洲草堂

翠微春雨潤虛白野堂清道士留丹訣鄰僧問藥名龍歸時
化劍鶴過夜聞笙亦是忘機者真堪托此生

聞藍山兄寓滁州

番水初傳信滁山想定居秋吟兼蟋蟀晚飯得鱸魚落月滄
江濶涼風白髮疏兵戈關塞隔不敢問何如

山中漫題

讀書期有用閉戶恥無能落葉空山雨疏鐘獨夜燈人稱楊
里子住近石門僧靜坐觀詩妙須參最上乘

秋日遊石堂奉呈盧僉憲

荒郊通徑僻野竹閉門深白日羲皇世青山綺皓心潛蛟多
在壑宿鳥獨歸林知爾荷鋤倦時爲梁甫吟

雪後舟泊武夷

泊舟青嶂下同首翠微間殘雪孤村樹歸雲何處山石門無
犬吠松徑有僧還書劍嗟漂泊山林未得閒

建溪

建溪三百里勢若建瓴奔石觸波濤惡山連霧雨昏蛟龍餘
舊窟豺虎似空村行路難如此生涯未敢論

懷川晚立

清川繞縣衙小立共汀沙暝色催歸鳥春愁對落花江湖頻
戀闕風雨更思家出處成何事惟添兩鬢華

恭城縣

十室黃茅邑千峯紅葉村喧卑蠻俗異質樸古風存雞犬連

日言系國卷一
二
猺洞牛羊到縣門殘年歷荒微遙布聖明恩

晚立懷友

野曠行人絕林空墮葉聞客愁當落日詩思入寒雲草暗防
蛇毒山昏過虎羣梅花萬里道歲晚正思君

旅寓

旅寓真如此空堂思悄然秋聲一葉下暝色數峯連涉世方
知命清心已悟禪鏡中矧短髮蕭颯感流年

柳城縣

青山入縣庭小邑但荒城竹覆茅茨冷江涵石壁清草蟲當
戶墮水鳥上堦行問俗知無事松風一舸輕

賓州九日作

三年頻客路九日又賓州野圃黃花晚空江白雁秋無錢從
止酒有賦倦登樓迴首關山遠蕭蕭落葉愁

幔亭峯

兩崖離立陰陰然上有喬木高參天仙家樓臺雞犬靜石潭
雲霧蛟龍眠漁人樵子時相見水鳥山花亦可憐九曲棹歌
誰和得千年遺響墮蒼煙

病中作

茅屋黃花共寂寥病容詩思總無聊山童夜靜分松火道士
天寒送藥苗落木荒陂秋澹澹鳴雞空館雨蕭蕭仙家瑤草
年年長弱水蓬萊路更遙

泊舟九江

今日泊船九江口昨日泊船彭郎磯木葉風高雁初下蓼花
水生魚正肥荒城隔浦晴吹角明月誰家夜搗衣南望故園
秋色晚青山有意待人歸

九月八日巴河阻風答孟原愈憲

江湖萬里喜同遊漫向巴河滯客舟茅屋誰家還白酒菊花
明日又黃州故園風雨生秋夢上國雲山入暮愁賴有故人
相慰藉燈前談笑亦風流

封陽驛

官船早發渡頭沙回首東風日又斜千里雲山橫桂嶺一江
春水漲桃花荒村雞犬臨欹岸細雨鳬鷺傍釣槎南望蒼梧
煙樹晚鳳韶何處弔重華

宿開建江上懷閩中故人

東風嫋嫋泛鷗波，倚棹汀洲近薜蘿。
江上流鶯疏雨歇，天涯芳草落花多。
暮雲尙隔蒼梧野，秋興空懷白紵歌。
離別不堪頻悵望，美人南國意如何。

夜坐憶西山草堂寄彭山人

憶共幽人住石門，茅屋日高嘒鳥聞。
山氣溼衣涼似雨，松花吹簾輕作雲。
諸生載酒問寄字，野老杖藜談隱文。
丹砂無成頭又白，空對青燈愁夜分。

寄衡山李中卿

謫仙歸去卧松巢，江上飛花送錦袍。
細寫山川成史記，更吟蘭杜入離騷。
洞庭萬頃秋風早，衡岳千峯夜月高。
欲托瑤琴

明詩紀事卷十六
三
寄相憶海天清露鶴鳴泉

田按中卿名懋表陽人與修元史史不詳其事蹟余詳考見貝清江詩後

黃陵廟

虞帝南巡日英皇北望時翠華春不返碧草暮相思萬里重
湖水空山二女祠沈珠真自惜埋玉竟誰知斑竹流雙淚蒼
梧隔九疑天涯龍馭遠鏡裏鳳情悲巫雨淒殘夢湘雲靄暝
姿渚芳迎雜佩波影動靈旗慘淡思韶舞淒涼詠楚辭空餘
清夜瑟幽怨托哀絲

題湖山秋意圖

白水青山澹澹秋晚涼同醉木蘭舟西風無限江南意楊柳
芙蓉不解愁

桂林見梅 二首

忽見羅浮萬鶴羣
水邊林下玉繽紛
嶺南自古無霜雪
喜有寒香壓瘴雲

清池老樹落花稀
雪滿山巖獨鶴歸
十二樓臺天似水
空香散作白雲飛

懷山中

久別山中鸞鶴羣
清齋自禮武夷君
滄江明月扁舟夜
渾似松窗卧白雲

王沂 四首

沂字子與泰和人
洪武初徵爲諸王說書授福建鹽運司副使以老辭歸有徵君集八卷

田拔別初兄弟稱詩者二藍外移氏縣篋王氏二妙
錢氏三華一家風雅殊堪競爽壻篋集平陽繆仲琳
仲占所作也蘇平仲為之序惜今不傳子與與弟子
敬詩合為二妙集門人蕭聖所輯子與洪武初應詔
為諸王說書授福建鹽運司副使以老辭歸劉子高
有詩送之云萬里金門詔說書一官不拜賦歸墩極
知聖主恩榮重自信儒生計策疏三月鶯花辭上國
十年水竹愛閒居眼看逸翮寥廓愧驚吟駕鼓
車子與高不仕之節子敢以教官徵為御史殆如藍
山隱而藍澗仕也集名徵君集一名竹亭遺稿竹亭
子與別號也

過三顧山

白下水南峙青山多好峯曾攜玉柱杖細看金芙蓉松杉百
尺圍藤蘿千萬疊爾非虛度仙精神乃相接倏然巖谷底彷彿
元圃邱履我舊行迹何殊梁家遊松風落松花片片勿輕
掃更欲三顧樓同君采薇草

謁蘇雲卿祠

古道風沙際荒祠草樹閒崇文今日盛辟世幾時還薄宦真
餘事虛言頗厚顏翻思徐孺子清節照湖山

度三花嶺

絕壁三千丈荒煙八九家黃茅青草瘴黑質白章蛇橄欖高
懸子芭蕉倒吐花嶺南一迴首何處是京華

送謝子良驛丞之京

水驛論交舊著名春城分袂若爲情空羣奇驥長千里惜別
流鶯更一聲白下雨收梅子熟清江風過柳花輕歸船暫泊
應回首五色雲中是玉京

王佑二首

佑字子啟沂弟洪武初以教官舉授監察御史出爲
廣西按察僉事改知崇慶州謫和州赦歸有長江稿

五卷

田按子啟與劉子高交分不淺家住龍灣有南園擅
水竹之勝子高爲作南園竹筍新成數百竿何年通
看竹詩云禁得南園竹筍新成數百竿何年通一徑長
有客來看坐子啟竹林詩云愛爾幽樓處門前青竹
林石床三伏冷池水一春深陪虞管勾幼悅坐王子
啟南園竹林詩云王子宅前千箇竹拂簷當戶總蕭
蕭土垣近出青相映池水下通寒不凋上客頻留蒼
玉佩佳人時度紫瓊簫重尋載酒題詩處記取龍灣
第二橋子啟出知崇慶州子高懷王太守詩云二十
年來南浦客八千里外錦城仙水邊送別秋風冷馬
上恨人夜月圓載酒渡江憐往日聽援出畝定何年
只今飄泊桑乾曲西望酃歌一問然其謫和州放還
也子高有大赦後一日聞王太守自屯所歸見南歸
詩云故人舊謫和陽戍五月初開罷穉田誰使南山
歌石爛天教合浦得珠還子啟生平事蹟皆可於子
高詩一一見之竹垞詩話引子啟生平事蹟皆可於子

牧崇慶獲罪之由尙未知謫和州屯所一節也因檢
槎翁集補錄於此

自城陵遣阮庚上桂林侯姪伯貞挈家入蜀

念爾何時見相離七月餘如何千里道不寄一行書老恐妻
孥隔貧憐骨肉疏錦城宜早到詞賦話相如

贈別裴伯升

清江科第舊名家千里初乘出使槎離別可憐芳草色淹留
又過刺桐花香爐煙底晨趨珮畫角聲中晚散衙歸到柏司
煩問訊相思雲樹隔天涯

錢子正一首

子正名蒙以字行無錫人洪武初知韓城縣有緣甚

軒集六卷

田按錢氏三華集子正及弟子義族子仲益詩也子
正子義名見徐子元詩談而不及仲益詩綜錄仲益
詩謂得之秦對巖顓氏梁溪詩抄亦稱得自嚴中允
繩孫手書本蓋三錢詩始各單行故所見互有不同
三華集為兩淮鹽政採進四庫本正統中錢公善
等合刻也提要稱子正子義出處始末均無可考梁
溪詩抄謂子正名蒙以字行洪武辛亥進士官韓城
知縣余考洪武辛亥題名錄無子正名則顧氏所考
亦未確矣姑從闕如以俟知者仲益詩別錄入永樂
朝

贈張伯延

隱士松間已化仙
茯苓此日大於拳
青年有子傳先業
白髮逢人說後天
潦倒自知臨暮景
行藏猶待卜流年
幾時去訪
搢機石擬向成都住一廬

錢子義一首

子義子正弟有種菊菴集四卷

宮怨

夜永長門靜愁多欲斷腸開簾拜新月歌吹在昭陽

陳約一首

約字博文嘉興人洪武中官大理寺卿出爲山西布政使有一默居士集

構李詩繫博文元儒竹林先生長子與弟綱繹緝倡和緝尤有名於時

偶成

京華二月天氣好寒食已過清明來畫樓珠箔燕新語綠樹

清江花亂開

陳緝四首

緝字熙文約弟

田按熙文七律音節瀏亮有唐人標格

送道士謝清一歸吳中

丹鼎紅光照洞庭天壇月色帶疎星元都道士蒼精劍上界
仙人白鳳翎閭闔朝迴天蕩蕩藥珠經盡晝冥冥欲從杖屨
秋山裏風雨篝燈采茯苓

秋夜懷明本

溪聲漸瀝起蒹葭溪水潺湲漱白沙大地星流還化石小窗
燈冷不成花江淮烽火三千里城郭民人八九家避地欲尋
張博望月明滄海汎靈槎

送周煥文從唐伯剛之吳興

碧澗堂下卽吳興十里芙蓉繞石城山簡歸時應倒載條侯

醉後尙談兵
蘋洲雨過秋
聞雁橘里春
深曉候耕事
簡好將
樵唱出水晶
宮裏坐吹笙

弔古

投簪渡江江水空
朝馳淮海暮吳中
江東壯士輕王猛
吳下諸公失呂蒙
山鬼有靈嘒夜月
野花無主怨東風
盡將骸骨填溝壑
誰在雲臺第一功

林公與一首

公與字學民黃巖人

三台詩錄學民與兄耕民弟齊民俱工詩爲潘松溪
許介石所重耕民元季先死學民齊民在明初俱不
受徵聘

田按公與一號盤所許介石有題林盤所家藏溫日
觀葡萄詩公與與弟公存明初尙存元遺民也顧侯
君元詩選未錄援明史文苑傳趙訪汪克寬之例存

之

送邱愼餘還舊居

黃山兩佳士曰容愼愼餘如於沙磧中見此古璠璣妙年負
奇氣并駕四明車縱交豪傑士吐論雄千夫金鞍坐駿馬躡
地紅氍毹三千六百日擊鼓吹笙竽爲樂未及央白日升太
虛翻然理歸榜卽我泉溪居愼餘近碧山容愼臨通衢軒窗
相隱望來往成歡娛賤子幸承接遊從連簪裾溪風柳陰釣
山月花閒壺相逢輒傾倒往往忘所趨頻年逢數奇塵網相
縈紆兩君力徘徊義豈魯連殊誓言永爲好桑梓長相於豈
知故園興決若東潰瀟容愼不可留新羅尋舊廬子又舍我
去去與容愼俱交歡契夙好展拓伴新圖我懷抱離索鬱鬱

當何如天寒歲云暮霜月梅花初寫言不盡意願效蛩駘且

林公存 一首

公存字義民公與弟

同諸兄送慎餘

經年同里巷一日賦歸與素履紅塵遠清襟玉雪虛臨岐那
忍別得句未能書樽酒綢繆處舟行月上初

林公冶 一首

公冶字齊民

田按公冶亦公與兄弟行也

送邱君慎餘

十載交遊處茲辰不可留鵷鴻知有待猿鶴已深愁棹發花

山月詩吟桂子秋九峯無百里回首思悠悠

李毓

五首

毓本姓林字長民黃巖人

田按長民亦公與兄弟行也一號藥所許介石有題林藥所家藏子昂枯木竹石圖詩長民詩冲淡有陶韋意趣

送許介石

出門送夫君信知離別苦窮居天一涯浩懷誰與吐念昔傾蓋初開口見肝膈誓將埽石床共卧松蘿雨風雲忽西來去若黃鵠舉幽期不果諧玉樹何時覩飲餞出芳郊青陽滿寰宇雲鴻逝冥冥遊魚亦江渚相思幸寄書在遠當自樹

臨水感懷

觸事卽成感苦心誰復知青春漸漸去鬢髮生華絲同裳豈
無人慨悵今昔非東流尙不盡爲寄長相思

次韻答介石秋夜見寄

山堂夜無月所見螢燿輝幽懷忽破碎澹若無所依思得同
心友攜手同車歸誰歌綠水曲要渺凌空飛

答翠易子

離居感急景寧荷念同裳佳期渺難合遠意孰與將風颭石
林靜日落松筠涼祇應羽駕來共采瑤草芳

題弟齊民禱雨有感卷

卧龍不肯爲時出旱魃有意如人長爾能呼龍起冥漠我心
得雨生清涼池塘一夜煙草綠江天萬頃魚波蒼潘君志喜

動新作墨花猶帶龍涎香

田按三台詩錄稱齊民上寒坑祈雨有應士人爭爲
歌詩此詩亦同時作也潘時岡喜林橋隱禱雨立應
云寒坑山倚天起六丁鑿開混沌髓下根滄溟幾千
里六月陰風吹鬼雨陰算出入雲纒纒今年早魃肆
威怒林君乞靈誠靈靈側足元宮不自憐風先驅兮
雨隨履頃刻如注天瓢水郊原一覽生意新松底流
泉自相語時岡字鶴亭黃巖人

董佐才一首

佐才字良用上海人洪武初薦辟授洛容知縣

田按良用與弟良史並有文譽良史詩別見

讀杜詩有感

幾年京國暗戈矛淪落誰憐杜甫愁春漏也曾噴錄事秋餽
仍復問彭州平生忠義貧逾見小技文章老更優我亦此身

無定處夕陽孤倚仲宣樓

王鈞 一首

鈞字天全嘉興人

田按天全與兄鏞有合刊詩集惜今不見詩綜已錄鏞詩余據橋李詩繫補錄天全詩一首

水竹居爲朱克恭賦

又采風流偶晉賢由來蹤迹托林泉
候門童子清如鶴留客
軒窗小似船錦鯉寄將書咫尺
綵鸞飛下月嬋娟何時把酒
同燒荀卻訪東坡笑渭川

張輿 一首

輿字行中仁和人洪武初上書授刑部主事與弟格

合作聯輝集

田汝成委巷叢談洪武中浙江都司徐司馬令郡城
人家植冬青樹於門數年後街市綠陰市地張輿賦
詩云比屋冬青樹人皆隱綺羅春風十年後維恐綠
陰多

約可閒老人訪王藥圃

明朝寒食風日晴可閒欲同湖上行先拾玉壺園上翠卻聽
瑤石山頭鶯茶鐺煩爲試新火杏酪不須和冷餠君若肯將
花徑埽日高相與到柴局

張輅一首

輅字行素興弟

贈陳士甯

橫溪別業錦雲鄉紅白蓮花薜荔牆百事不關心獨靜孤雲
無著興偏長佳人雪藕供微醉童子分茶坐晚涼如此好懷

誰解寫詩成還讓孟襄陽

鄭杕一首

杕字叔韉浦江人有學古齋集

田按浦江鄭氏號為孝義家元明兩朝均詔旌表其
門明初有曰淵曰洧曰濂曰湜者皆以行誼聞太祖
詔濂等入見問以治家長久之道對曰守家法而已
太祖深嘉獎之拜湜為福建參議洪武二十六年東
宮官屬久缺命廷臣舉孝弟節行之士廷臣以鄭氏
對太祖曰鄭氏朕素知之聞其里人王氏亦倣鄭氏
家法皆可選用以風勵天下乃徵兩家子弟三十以
上者詣闕既至令自推舉鄭氏舉濟王氏舉懃乃命
濟為左春坊左庶子懃為右春坊右庶子二十九年
復選才閭右曰沂者召為禮部尙書其從子餘拜御
史楷蜀府教授杕其兄弟行宋學士景濂女壻也

海棠

映肉紅紗曉睡遲一絲春色力難支開元舊事無人記猶有

東風作畫師

鄭枋一首

枋字叔車

田按叔車亦枋兄弟行也

江南曲

妾家住在錢塘曲門前歲歲湖波綠垂陽十里鎖輕陰芙蓉
千柄送奇馥翠雲帖水風颼颼白蘋紅蓼早催秋大姑小姑
惜芳遊見花顰眉愁復愁移船西來泊花底藕花染紅蘋葉
紫妾身不爲浮蘋生願作蓮花守紅死

繆仲琳一首

仲琳永嘉平陽人洪武初平陽訓導

客夜

田按仲琳與弟仲直有壩篋集蘇平仲稱其麗藻交映逸韻迭發鏗鏘炳煥霞燿遐邇洪武初兄弟皆徵至京師官之不拜歸而縣丞延仲琳為訓導縣令延仲直為訓導惜壩篋集不可得僅見仲琳一詩而已

城頭燈影寒鴉散聲悲咽東歸一葉舟夜泊松江雪

黎慎一首

慎字充輝以字行清江人

東里文集充輝詩清新雅則有唐人韻致江西游詩徵充輝童子時為詩輒有奇語長從梁石門遊博通羣籍落魄不羈永樂初應明經召至京授職不就歸田按充輝與弟潛輝有倡和詩楊東里序其簡端云黎氏伯仲京華倡和之什瞻而實婉而切清江玉簡之閒山川靈秀鍾於人挺然英傑兄弟並起馳聲當時而流聞來世如二劉三孔者去今未遠也將無繼之而興乎為名輩引重如此充輝有清節潛輝永樂朝進士月詳別卷

蒙山

飛峯起中天，淩雲疊連嶂。征驂駐其嶺，遐眺入冥漠。巖泉煙
際瀉，奇石空中削。天風送黃鵠，長飛向寥廓。盤盤青天外，厚
地何磅礴。丈夫四方志，天地安所托。仗劍歌遠遊，徒御總錯
愕。結想陟崑崙，煙霞正綿邈。

明詩紀事卷十七

貴陽陳田輯

甲籤

銘炳二十二首

炳字彥曷以字行鄱陽人明初獻書言事授中書典籤出爲大都督府掌記除東阿知縣引疾歸有春雨

軒集十卷

四庫總目劉炳詩格伉爽挺拔類其爲人

詩談江西二劉彥曷承直雄俊相似

田按明初詩家燕京感事者以宋仲敏壬子秋過故

宮十九首爲最劉子高早春燕城懷古六律亦其亞

也子高詩云金水河枯禁苑荒東風吹雨入宮將樹

頭槐子乾未落沙際草芽青已黃北口晚陰猶有雪

陽秋月春花不可論關河形勝古來存燕歸遼閣鈿

驚墜人散高門石獸蹲牛引柴車穿柳巷馬嘶霜草
出花園山來在德非關險不獨阿房可斷魂海內蒼
生困亂離宮中舞女門腰肢金渠水煖龍船出彩檻
花香翠輦移松樹盤空皆偃蓋柳條拂地更垂絲迷
樓不獨江都恨鳥窠龍沙更可悲彥昂燕城懷古一
律足與相抗廣寒宮殿玉爲樓萬歲嶺壓九州番
國胡僧青鼠帽天魔宮女彩龍舟鉤陳蒼隲山南拱
太液紅橋海北流唯有蘆溝滌上月年年鴻雁不勝
秋彥昂詩爲楊廉夫米景濂危大樸所推重余衡其
品於西江明初詩家在子高之次與新城劉子憲正
足旗鼓相當彥昂精鑒賞流傳古書畫往往有其題
跋宋景濂嘗稱之

憶園廬

種園在東臯草荒瓜蔓長日落秋樹涼褰衣獨還往時逢野
老憇自足田園賞沿溪暝忘歸古寺煙鐘響

袁周伯士上清人

陰洞懸乳泉石沁古苔峭紺粉落秋江芙蓉澹斜照孤吟白

日晚疊嶂玄猿叫高懷誰與傳天風遞長嘯

哀趙子常

晨樵歛山青暮吸歛水綠閉戶動一紀守道不干祿平生春
秋傳疑義如剖竹哀哉青城翁心喪三年哭

哀方方壺

蓬萊五雲宮金粉飾椒壁醉時卧瓊瑜酒醒灑墨汁傲世雙
眼高鬼谷白雲溼玉堂寄書來落月夢相憶野鶴弔孤松衰
螢照荒陌

哀黃季倫

折節委榮寵顧將生死齊秋荷補壞衲空林旅幽棲懸燈禮
繡佛清齋烹露葵虎溪流古月自與遠公期

哀葉楚庭

船頭酒百壺船尾書百冊間騎桃花馬醉弄西湖月狂吟捲
秋濤聲撼扶桑折滄海無還期哀魂楚雲結

哀吳用晦

其祖月灣先生也

滄灣俯空寒老月懸古色殘花漂斷沼野徑繞荒宅王珣稱
短簿牙笏猶故澤文藻遺江山蒼茫暮煙隔

行路難

奉君五彩鳳凰之綺幄七寶鸞鷟之錦牀博山氤氲之水屑
金盤沆瀣之瓊漿春風無情不相待朱顏綠鬢年年改姑蘇
臺上鼓如雷四時歌舞百花开當年意氣今安在鬼火如燈
秋似海

弔晉安將軍歌

荔枝城頭花簇簇王孫不歸春水綠黃金臺前煙草荒傷心
獨倚青雲哭淚漉漉江江倒流楚魂暮咽楓林秋蕉黃醋綠
湘竹語峴山石斷行入愁信陵門下簪纓會珠履筵前幾人
在軍中擊鼓夜不眠珠翠成行鳴劍佩王孫王孫真貴人落
筆龍蛇驚鬼神千金散土馬蹏盡鐵甲置卧雙麒麟桑柘陰
陰連大路野市書聲晚當戶部曲悽涼白髮稀甘棠猶指將
軍樹玉鳧金雁漆燈殘化鶴千年何日還有酒誰澆趙州土
碧血化雨苔斑斑王孫王孫不可招仰天擊碎青桐瑤寸心
何處寫哀素江上年年生暮潮

漢之季

哀故御史余公關守舒城死節而作

漢之季洪流何湯湯赤子爲龍蛇蔓於漢以淮割我城邑圖
不祥天子曰嘻予何以奉宗廟朝羣臣登明堂曰予近臣御
史闕咨爾撫師古舒國間以外爾制之賜爾三百衛士斧與
節毋黷民毋究刑苟附而安文武并用禮之經臣闕昧死頓
首泣主憂臣辱敢不力御史騎馬來萬姓淚落喜且悲子我
塗炭民漢官威儀今見之東市牽牛羊西市羅酒漿紛紛列
道左御史下馬相扶將諭以天子聖且愛明見萬里外宵旰
不遑食兵爾饑爾苦顛沛御史雖愚頗知忠與慈惟爾患難
相扶持鼓爾鼓旗爾旗疾則疾徐則徐壯者戰守老者居俾
爾農桑毋奪食桑青青麥茫茫牛羊走邱墟御史城上行茅
屋人家聞讀書以心感人心敵至輒敗不敢窺城東嘯虎豹

城西嘯熊熊斲黃攻始退山越什什伍伍來相圍裹瘡戰城南吮血戰城北大船小船捍江列嗟城中如流魚御史奮臂城上呼悲風揚塵沙起白日無光士爭死廩無粟士氣衰朝食城上草暮煮城下其癘疫相枕何流離御史斬愛馬士卒不忍食日久援不來矢盡兵殘益危逼梟騎死野戰烏鳶銜肉流尸僵孤城坐殄瘁土地道不可當御史誠不德握手謝父老爾民多殺傷御史登城北面拜稱臣萬死無以報陛下闔室竟與城俱亡楚山蒼蒼楚水洋洋御史之節功烈顯彰天之奎璧地之河嶽人之綱常千載弗渝日月普光誰能置廟復立社享爾祀爾百世及天下

田按忠宣守安慶逾六年小大二百餘戰戰無不勝糧絕城陷以死彥昂嘗從忠宣軍事間故能道其詳

如此余檢青陽集附錄有劉參謀舒州謠云大夫使
鉞來守舒舒州城小鐵不如城下長江限濠棚周遭
守備用白夫賊于城不得踰大失叱戰人爭趨戰
嬰魍魎半就死陰風吹血腥東吳七年孤兵經百戰
白日炯炯忠義俱我民衣食仰官給盡力効死甯唯
盱王師不援百計疏城中食盡官無儲沔陽健兒肆
剽殺殺人逮盡終何辜大夫應戰如走珠誓國甯愛
千金軀寶刀斷折笳哨鳴戰不持鐵至日哺絕咽劍
膚血濺髯游魂半空罵賊奴大夫白骨行將枯大夫
赤心死不渝蓋亦參謀忠宣軍者惜不詳其名也宋
景濂作余左丞傳稱公詩文篆隸皆精綴可傳張來
儀有餘將軍大如礪長江西來繞城於此余將軍守舒州
舒州之城大如礪長江西來繞城於此余將軍守舒州
腳將軍提劍坐城頭寶劍未動賊已奔鯨鯢蔽江壓城
爲渾孤軍六年二百戰王師不來城自存無兵猶與
戰無食安可支豈無愛妾與愛馬殺之不解壯士饑
力盡勢竭將奚爲倉皇齧舌罵不已義士三千同日
死只今猶有盡忠池碧血清冷化爲水將軍持節東
州時作此篆書形峒奇妙墨已隨神物化好事當時
臨得之雖非其真意獨在垂金屈鐵蟠蛟螭我拜重
是忠臣迹泰斯雖古其人非嗚呼將軍此書配君誰
請君募取涪溪石上中興碑

過南湖觴

城頭開船北風起帆輕直過南湖觴上水歡呼下水嗟龍王
廟前准燒紙小婦攀曾楊柳磯淮鹽換得鱖魚肥沽來新酒
不成醉卧聽鄰船歌竹枝

題夏博士晉王羲之右軍像

上東門外胡雛嘯萬里塵飛洛陽道潛龍東渡晉中興羣馬
南浮國重造石城龍嵒背所都庶事草草嗟良圖衣冠簡傲
禮樂廢朝廷放曠君臣疏大令平生最超卓早年門第居靈
閣內史新除典要樞右軍任重參帷幄擅場翰墨出神奇蔡
衛鍾張早得之畫長燕寢森兵衛日煖鵝羣戲墨池來禽青
李蘂盛寄裏鮮黃庭醉後題春風三月山陰曲羣彥流觴映

修竹一時簪冕屬高風百年文藻懷芳躅流落斯文感古今
後代宸聰復購尋小字昭陵傳玉枕數行定武抵千金忽見
畫圖雙眼失采采丰神驚玉立羽扇蕭疏晚日晴烏紗彷彿
秋塵襲繁華如夢轉頭非典午山河幾落暉唯有鳳凰臺上
月春風依舊紫簫吹

瓊姬墓宋仲珩同賦

野花凝粉鈿瓊姬醉時面夕露柳絲長瓊姬晚黛妝行人墳
上莫回首一顧春風一斷腸

田按姑蘇志瓊姬墓夫差女也與夫差墓相近高季
迪徐幼文均有詩附錄於此季迪云夢別芙蓉殿頭
墮釵零落誰收土昏清鏡忘曉月冷珠襦恨秋麋鹿
昔來廢苑牛羊今上荒邱香魂若怨亡國莫與西施
共遊幼文云館娃宮裏已堪愁况值泉臺閣小邱月
冷寶奩無復曉池空玉雁不知秋蘿間舊屋僧來住

竹下新亭客過遊不有佳名留郡志誰能識此爲停
舟

旅中除夕簡劉子憲助教張左司

麝煤凝鴨鎖虛窗虎衛嚴城禁漏疏鄉夢牽情千里遠客愁
隨臘一年除酒痕釀煖春連甕梅粉吹香晚近廚自寫桃符
燒短燭壯懷那厭食無魚

和九日韻寄朱見中

野樹荒臺帶晚陰昔年歌舞憶登臨桃花紈扇西風冷蔓草
銅駝夕露深舊夢青雲連館閣多情華髮老山林江南庾信
傷秋倦疏雨簾櫳怯暮砧

弔杞上人

重來湖上弔山僧淚落東風憶葛藤江海有詩傳慧可叢林

無法繼盧能草深方丈迷春屐塵暗袈裟掩暮燈因憶沔陽
錢太守芭蕉亭上賦詩曾

待渡溪澣寫懷

繁華雲物都非舊一片寒沙卧夕陽唯有壞垣春雨裏野花
猶似美人妝

桃花扇底春風面一曲吳歌一斷腸紫陌紅塵多少夢鬢絲
贏得老劉郎

秋詞

廣寒樓閣玉爲梁月裏姮娥百寶粧流水莫題紅葉句人間
天上隔宮牆

題葉楚庭醉漁菴簡彭敬宗劉子原子載子明

落盡荼蘼草覆茵二分流水一分塵小車都載鵝黃酒蘇小墳前醉過春

暮春寫懷

晴雪飛棉柳樹斜雨餘紫陌淨無沙春風日日騎官馬兩袖東風看落花

同周伯甯連楊劇談悲歌有感

醉來拔劍斫珊瑚嬾向侯門更曳裾夜半聞雞眠不著草堂秋雨讀陰符

甘瑾 十三首

瑾字彥初臨川人明初嚴州同知

國雅甘二守彥初思頗清僻如一瓢風外樹雙履雨中山白草交河道清笳捕虜營錦衾成獨旦羅扇覺

先秋亦是高唱
列朝詩集廿
中與彥初及張可立
美女簪花可立如貞婦守節彥初入國朝爲嚴州同
知或云翰林院待制皆未詳也或云臨川人
田按彥初詩集不傳他本所選者多五七言近體余
從朱性父珊瑚木難見彥初植芳堂詩題名都陽甘
謹作豈流寓不常錄詩者以所在題之耶明音類選
光嶽英華均題作餘千人彥初律體音節高亮是錢
郎一輩人

植芳堂

猗蘭被九畹佳蕙滋百疇
荃蕸與杜蘅羅生交綢繆
俟時苟不利蕪穢將誰尤
朝吾芟宿莽夕吾漑清流
冀茲枝葉茂充子雜珮酬
撫琴發清商揚舲泛中洲
美人隔南浦延伫增離憂
攬芳結續紛日暮聊夷猶
誓言寄所思川路良邈悠
恆恐年不與鵲鳩鳴先秋
陰風集中野眾芳委林邱
蘭芷變不芳

蔡施漫道周靈均去已久千載誰與傳英英雲間彥雅嗜取
冥搜靡蕪集遠思再感王孫遊何所無芳草子獨良好修願
言閔英采以俟知者求

題高伯昌遠遊卷

九月朔方城河流已涸凝氈車馳犯雪乳碗飲兼冰汗血宛
西馬奇毛代北鴈良材資國用翹首卽飛騰

公孫

躍馬公孫氏荆湖舊拓疆函書鄰好絕陸戰霸圖荒城堞迷
秋草樓船散夕陽龍文成五采終古在芒碭

田按甘彥初躍馬公孫氏一章爲陳友諒而作也淮
張事多有以詩紀之者友諒事不多見余檢孔迥雲
蕉館紀談陳友諒在江州時嘗以春暮結絲爲花樹
自府第夾道植至匡山又翦繡於道上與宮人乘肩

興而行黃信詩云錦綉鋪張春色滿小車花下麗人行是也黃信詩不多見附錄於此

龍虎沖虛張真人遊仙詩

世業神明裔朝家禮秩優祝釐宣室夜賜曲鑑湖秋海月虛
瑤席天風颺玉虬谷神應不死獨與化爲謀

默觀元化運乘彼白雲歸廣野悲張樂青山笑拂衣玉棺天
上葬神劍斗閒飛圭組衰崇舊宜看奕葉輝

讀靖康遺事

杜鵑啼老洛城東烽火郊畿縱犬戎廟畧合收淝水捷虜盟
誰定渭橋功銅駝故陌迷芳草黃屋驚塵捲朔風一自鼎湖
龍去後小臣何地泣遺弓

讀史有感

汴流西繞漢時宮
陵樹蕭蕭易朔風
金盃不冰銀雁去
銅仙無露玉盤空
御溝流水人間碧
禁苑蟠桃海上紅
卻憶晉家南渡客
清談不記誤和戎

錢塘懷古

落木驚波入虜塵
新亭空集北來人
神州未復英雄老
王業偏安歷數屯
萬騎星屯潮捲夕
六宮雲散草生春
百年江左偷安計
泉下惟應泣老臣

閑居感舊

待詔金門擁珮珂
南征殊賜洽謳歌
亦知江總蒙恩數
每愧楊雄識字多
頭白一官今自老
汗青千載竟誰磨
可憐夢裏鈞天曲
回首蓬萊奈爾何

遊龍虎山

流水灣迴路百盤
化人樓閣倚清寒
枕中鴻寶長生錄
屋外元都太古壇
金鼎有丹先試犬
玉簫無曲不吹鸞
麻姑未老秋霜鬢
幾見扶桑海未乾

寄馬彥曾

百戰孤城血未乾
故人書札報平安
秋風代馬思燕草
夜月湘歌怨澧蘭
萬里江湖仍旅食
百年天地自儒冠
山陰更有誅茅地
仗劍休辭行路難

次張文學韻寄涂貢士

蜚角城頭曲未終
十年哀怨萬方同
黍離正恨傷周切
章甫翻憐適越窮
黃葉空山僧舍雨
滄浪衰鬢釣絲風
閒愁欲遣

三千斛濁酒甯辭一百筒

長沙夾夜泊

漠漠蒹葭斷渚連
烽亭亭鼓報更傳
迴風吹樹纜初繫
斜月照蓬人未眠
雁足寄書懷歲晏
蠻蜚新酒及霜前
滄浪遠浦寒燈外
尙有漁郎未叩舷

朱弘祖一首

弘祖字彥昌臨川人
洪武初以明經舉官都稅大使
有東皋耕叟詩八卷

青溪暇筆太祖高皇帝以至正十五年乙未取安慶
及太平甯國趙雙刀陷池州余忠宣公守安慶使判
官莫倫赤市鹽浙東還泊龍灣時方以兵邀之莫倫
赤自稱安慶使者太祖聞之曰余公元名臣使當道
皆若之天下豈有亂哉命諸軍勿得俘掠以禮宴勞
之遣還且曰告余公善自爲守又曰老趙在池州素

環溪亭

無仁心恐汝去不能免也吾以書與汝至則以示其
左右莫倫赤至池州果爲所扼以書示之趙省書曰
但免汝一死耳鹽貨不可得也悉爲所掠而莫倫赤
遂得生還福按余公之守安慶也趙雙刀陳友諒引
羣盜四而攻之太祖與之接壤未嘗加以一鎗雖
曰兵不攻堅然神廟算皆由天縱非一時英雄所
能知也其時友諒已僭大號據有全楚隱然一國而
太祖初提一旅之師渡江而來若又悉力疲衆以攻
堅城不惟頓兵挫銳然自撤屏翰身受強敵則亦安
能從容俯仰殲兵秣馬以觀四方之釁而萬全之
計哉此其遠畧何如也以是而論余公雖爲元守實
爲我用豈非天佑國家故使之然乎其後友諒雖下
安慶然兵力亦自是漸衰而勃興之朝已莫之能禦
故陳氏不旋踵而滅也臨川朱彥昌有弔余公詩一
聯云十年血戰身無援一旦唇亡齒亦寒下句蓋指
友諒而云耳於此見受天命者其所云爲固自異也

一曲清江抱畫闌八窗如在落星灣紅塵隔斷花香外白浪
飛來鏡影閒蝌蚪舊藏書帙淨蜻蜓長立釣絲閒何由動我

山陰興卻棹扁舟雪夜還

李鎬一首

鎬字叔京臨川人洪武初徵爲國子學正轉翰林院

編修領中都國子監事

田按叔京植芳堂詩顧嗣立錄入元詩選癸集而不詳其仕履余檢蘇平仲集北麓處士李公墓誌云李鎬字叔京臨川人篤學能文應詔至京師擢國子學正轉翰林編修領中都國子監事洪武戊辰入考會試與伯衡同事蓋叔京與平仲同考會試因爲其父北麓求誌墓也雙槐歲鈔云洪武戊辰會試以蘇伯衡李叔荆爲考試官豈叔京亦以字行耶元詩選誤作元人曾煥江西詩徵亦沿其訛余爲考正如

植芳堂詩

春陽被皋陸時雨浹初晨荷鉏臨前除闕壤當荒榛藝本曰成列培根毓奇芽條枝及時榮功萼韞以分服綵憩嘉蔭端

居離垢氛眷茲世葉繁德馨惟日新興言用棄穢庶以樂吾
真

趙迪一首

迪宜陽人洪武中官吏部侍郎

田按洪武時有兩趙迪一河南宜陽人初姓張洪武十九年由歲貢任吏部左侍郎見弇山堂別集卿貳表一福建懷安人俞汝成明百家詩所稱鳴秋山人也收齊誤作一人竹垞辨之極詳余據弇州卿貳表佐證益明兩存其人一見此卷一見二十一卷

元夕應制

龍樓錫宴月初斜寶炬星分照翠華五夜歌鐘連甲第千門
燈火映皇家錦筵人醉飄金縷羅綺春晴散綵霞自是宸遊
多樂事叨陪幾度賜宮花

劉秩 三首

秩字伯序豐城人吳元年授典籤除檢閱出爲武安
州同未行改知崇明州以誣被謫事白棄官歸有聽

雪蓬集

列朝詩集伯序知崇明州奏免租課民立祠以祀之
未幾提點鹽法發其奸被誣下獄幼子孫孫年十二
詣闕訟冤上白其事斬誣者竟棄官歸事在危素獄
記

東湖女

東湖女兒髻綰鴉清晨結伴來西家碧羅裁衫照秋水香酥
暈臉明朝霞儂家住在大隄曲幾度採蓮湖上宿江南遊客
最關情相思一夜秋波綠

冬日卽事

縣邑干戈後城空景寂寥山寒雲釀雪江晚月通潮壯士征
衫薄將軍戰馬驕只今邊境上誰是霍嫖姚

秣陵懷古

秣陵風物近如何兵後登臨感慨多雲淨石頭秋嶂出月明
淮口暮潮過離人暗滴青衫淚商女空懷玉樹歌忽憶舊時
驄馬客于今白髮老山阿

陳元達一首

元達字子曉黃巖人洪武中知新樂縣

紫駟馬

紫駟馬黃金鞍青絲絡頭瑪瑙寒馬上誰家年少子錦裘繡
帽驚人看平生圖雞不識愁日日長衢走紫駟豈虞勢去如

崩瓦紫駟空棄槽枥下日暮驅逐如亂兵饑向鶩駘乞殘莖
紫駟馬古來貴盛皆鮮終遺棄舊物不足惜輕薄取敗非英雄

何明遠一首

明遠字文儀黃巖人明初應詔授明州市舶提舉

寄宿旅邸

旅館藜床七尺慳草茵零落布衾單五更霜淨天如洗人與
梅花一樣寒

張存一首

存字性中丹陽人洪武初貢生官遂安主簿有雪洞

先生集

練湖亭

孤亭倚太空修篁落疏影境靜心自閒頓覺塵事屏橫琴鳴
冰絃古調誰能省顧此澹忘歸滿山秋月冷

諸葛伯衡一首

伯衡名阡以字行蘭溪人洪武初以薦授北平雜造
局大使終廣東參議

墨梅

玉龍倒吸墨池乾鱗甲驚風片片寒喚醒羅浮仙子夢暗香
和月到闌干

魏資政一首

資政字之觀宣城人洪武初以薦授棗強丞遷監察

御史

元妙觀

一簇煙霞擁碧峰已知羽士躡仙蹤客來衡嶽騎青鹿祭罷
雲壇起絳龍座上老師能啖柏庭中雛鶴未離松道人自種
黃精食敲火烹香不用春

李純道一首

純道字思文東陽人明初教諭有易簡齋三桂齋稿

題西巖紫霞洞

隱君獨愛西巖奇丹厓石室相蔽虧青松蔭地土花長碧蘿
挂月秋陰垂每從雨後拾瑤草時向人間歌紫芝遙想高風
在林壑何當躡屐相追隨

李徵一首

徵山陽人洪武初國子生授考工監令擢兵部尙書

次若虛泛舟

月滿船窗睡起遲鄉情詩思兩依依山光笑我重同棹春醖
憑誰一典衣撲面風塵偏作惡傍人水鳥欲忘機故園到日
春還在幾處薇花照晚扉

錢復亨二首

復亨松江華亭人洪武初以薦爲崑縣教諭詩續作
蕭山教

論有講餘集

送黃太守

江北江南春早山前山後暮晴芳草渡頭客散桃花馬上人

行

題畫

石門斜帶曉山開
楊柳陰陰護綠苔
何處畫船晴雨外
綺羅風裏載春來

李思齊

一首

思齊字齊賢東陽人元進士知龍泉縣洪武中以薦授河南按察僉事命下卒

題徐氏蒲石卷

獵獵石上蒲青青
迸苔碧何人寫冰紈
清氣生几席